



Immiseer Fasnachtssong ab 2024

(Melodie: Gimme! Gimme! Gimme! (A Man After Midnight))

Winterziit!

Erschtä Schnee isch scho im Gartä und du magsch fascht nümme wartä
Riesä-Vorfreud wachst bi allnä Tag für Tag

Fasnachtsziit!

Und äs nimmt ä jedä Wunder, ja wer hendsi hüür bestummä, wo de rooti Huet voll Stolz aleggä tuet
Am Zunftbot isch's de klar, s'wird eifach wunderbar!

**Immi, Immi, Immisee, miär machid Fasnacht
Gross und chlii verchleidet, s'bliibt ä keinä dihei**

**Immi, Immi, Immisee, miär chömid zäme
Zwüschä See und Bärge isch de keinä elei**

Guugäkläng!

Ghörsch vo wiitäm, leisch schnell d'Schuäh ah und de hopp sofort vor's Huus gah
Hohlgassrassler, Immogeischtär sind am Start

Chinderlärm!

Ja im Schuelhuus isch hüt keinä, alli Chind sind uf de Beinä, und ä frohä Umzug ziaht durs ganzi Dorf
De bliibit alli stah- s'Zunftvater(muetter)lied chund draa!

**Immi, Immi, Immisee, miär machid Fasnacht
Gross und chlii verchleidet, s'bliibt ä keinä dihei**

**Immi, Immi, Immisee, miär chömid zäme
Zwüschä See und Bärge isch de keinä elei**

D'Liächtlöschcher!

tüend so viil für's Bruuchtum machä und verteilid feini Sachä
A de Schuelchind und de Lüüt im Sunnähof

Immisee!

Party bis zum Morgegrauä, alli Mannä und au d'Frauä, fiirid mitenand am Umzug s'Oberhaupt
Ja eis isch jetzt scho klar- mee freut sich uf nächsch Jaar!

**Immi, Immi, Immisee, miär machid Fasnacht
Gross und chlii verchleidet, s'bliibt ä keinä dihei**

**Immi, Immi, Immisee, miär chömid zäme
Zwüschä See und Bärge isch de keinä elei**

erstellt von Christoph Barmettler, 28. Nov 2023 für die Lichtlöscherverzunft